

Ya hulat ni apostol Pablo kanlan ampaniwala kan Apo Jesu-Cristo ha Filipos

Paunan habi

Hinulatan ni apostol Pablo hilay ampaniwala kan Apo Jesu-Cristo ya angkapi-tsi-tsipon ha balayan Filipos ha probinsyan Macedonia ya atsi ha legal hēn Europa. Ha Dyag 16:6-40 ay mabáha no ay-êmēn naipairēng ya habaytoy unan pamit-si-tsipon lan ampaniwala bayro ha Europa. Hinulatan na hila ubat ha hukulan ta nagpahalamat ya ha hawop ya impagtan la kana, impalinaw na kanla ya tungkol ha hakit ni Epaafroditoy ya tawlin nantan hawop la, haka na hila inaralan.

Kabooan hēn pinakalaman

Umpisan hulat 1:1-11

Ya pamaptēg ni apostol Pablo 1:12-26

Ya dapat mag-in pamimiyay lan ampaniwala
kan Apo Jesu-Cristo 1:27-2:18

Ya tungkol kan Timoteo haka Epaafroditoy 2:19-30

No ay-êmēn mag-in mangēd ha hēlēk ni Apo
Namalyari 3:1-15

Hilay ampanoro hēn alwan pêtēg 3:16-21

Ya aral ni apostol Pablo kanlan taga-Filipos
ya tungkol ha pamikakasundo haka kap-
atêkbēkan 4:1-9

Ya pahalamat ni apostol Pablo ha impagtan lay
hawop kana 4:10-20

Tawlin habi 4:21-23

¹ Hiko hi Pablo. Kalamo ko hi Timoteo ya kpareho kon ampaghuyo kan Apo Jesu-Cristo. An-hulatan kataw ya atsi bahêن ha balayan Filipos ya pinili ni Apo Namalyari hêن mag-in kana gawan ha pakikimiha yo kan Apo Jesu-Cristo. Habaytsi ya hulat ay kamoyu etaman ya toa ya ampamaala haka ampanawop ha pami-tsi-tsipon yon patêl ha Panginoon.

² An-ihalangin naêن kaw ya dyanan kaw dayi hêن kapatêkbêkan nakêm, haka ingalwan kaw dayi ni Apo Namalyari ya Tatang tamo, haka ni Panginoon Jesu-Cristo.

An-ihalangin ni apostol Pablo hilay taga-Filipos, ya ampaniwala kan Apo Jesu-Cristo

³ Balang kataw angkaihipan ya ampaniwala kan Apo Jesu-Cristo ha balayan Filipos, ay panay akon ampaghahalamat kan Apo Namalyari, ya ansimbaêن ko. ⁴ Panay ako etaman angkahiglan mangihalangin hêن balang miha kamoyu, ⁵ gawan paubat hêن una kaw naniwala kan Apo Jesu-Cristo, angga amêhêن, ay anhawpan yo ko, ta êmêن ko maitoro ya Mangangêd ya Habi ya tungkol kana. ⁶ Angkasigurado ko ya hi Apo Namalyari ya ampangubatan hêن kangêran ya atsi ha ihip haka biyay yo. Angkasigurado ko êt ya hiya etaman ya mamihundo ha pandaygên na kamoyu angga ha a mayari ya kalabayan na ha biyay yo, ha pamag-orong ni Apo Jesu-Cristo di ha luta. ⁷ Hêpat bat no êmbayroy an-ihipêن ko ya tungkol kamoyu, gawan atsi kaw di ha nakêm ko. Hikaw ay kalamo kon an-ingalwan ni Apo Namalyari di amêhêن ha hukulan, haka hêن hato ha pamilaban kon

kaptêgan hên tungkol kan Apo Jesu-Cristo haka ha paypamwang hên habaytoy kaptêgan, ta êmén nag-in mananiêh ya paniwala yon ampaniwala.
8 Muwang ni Apo Namalyari ya angkalêngêw ako kamoyu, ta no ay-êmén kaw anlugurên ni Apo Jesu-Cristo, ay êmbayro etaman ya pamanlugud ko kamoyu.

9 An-ihalangin kataw ya mapahanan dayi ya pamilulugud yo, ya kamwangan yo haka ya pamangintindi yo hên tungkol ha dapat yon daygên,
10 ta êmén yo madyag ya pinakamangêd. No êmén di, ay malatêng na kaw ni Apo Jesu-Cristo hên malinis ya ayn kapintasan ha allon pag-orong na di.
11 An-ihalangin ko êt ya mag-in kaw hên taganán mahonol kana, gawan ha pakikimiha yo kan Apo Jesu-Cristo, ta êmén la galangên haka puriên hi Apo Namalyari.

Ya paypamwang hên tungkol kan Apo Jesu-Cristo

12 Hikaw ya patêl ko ha balayan Filipos, labay kon mamwangan yo, ya gawan ha pangakulung ko, ay lalo hên naipamwang ya Mangêd ya Habi tungkol kan Panginoon Jesu-Cristo.
13 Namwangan lan hundaloh ya ampananod di ha balin ampamaala ha Gobyernon Roma, haka mal-at pon ya kaatag bayri, ya hikoy nakakulung gawan bêngat ha pakikimiha ko kan Apo Jesu-Cristo. **14** Gawan ha pangakulung ko, ay mal-at kanlan patêl ha Panginoon ya tinumaniêh ya paniwala, haka lalo lan an-ipamwang ya tungkol kan Apo Jesu-Cristo hên ayn limo.

¹⁵ Main hêñ ampamipamwang hêñ tungkol kan Apo Jesu-Cristo, gawan ha angkaridya hila, o gawan ha labay lan kipatsi. Noa, ya kaatag ay ampamipamwang hêñ tungkol kana hêñ booy nakêm la. ¹⁶ Hilay ampamipamwang hêñ tungkol kana, hêñ booy nakêm la, ay ampamipamwang gawan ha pamanlugud la, ta muwang la ya atsi ko di gawan ha pinili na ko ni Apo Namalyari hêñ mamaptêg, ya pêtêg ya Mangêd ya Habi tungkol kan Apo Jesu-Cristo. ¹⁷ Hilay ampamipamwang gawan ha angkaridya hila, hêñ alwan boon nakêm la, ay êndat la no mapahanan ya kairapan ko di ha hukulan, gawan ha paypamwang la. ¹⁸ Embayro man ya nakêm lan ampaypamwang, ay mahigla ko, ta an-ipamwang ya tungkol kan Panginoon Jesu-Cristo, hêñ gawan ha kangêran nakêm, o karawakan nakêm man.

Ihundo koy pamaghigla ko ¹⁹ ta muwang ko ya mibuhan ako, gawan ha pangihalangin yo kangko, haka gawan ha hawop nan Espiritu ni Apo Jesu-Cristo. ²⁰ Ya pan-êngganan ko, haka taganán labay ko, ay a ko madyag ya hinoman ya ikarêng-êy ko, noa, panay kumhaw ya nakêm ko hêñ manyag hêñ mamapuri kan Apo Jesu-Cristo, kaban biyay ko êt, o ha kamatsan ko man. ²¹ Ta no kotangêñ yo ko, ay kaban nabiay ko pon, ay an-iubuh koy sarili ko kan Apo Jesu-Cristo, haka no matsu ko man, ay ha ikakangêd ko etaman ya kamatsan. ²² No waringan ta a la ko patsêñ, ay makapaghuyo ko pon kan Apo Jesu-Cristo. Kabay a ko mahabi no labay kinan matsu, o mabiyay pon. ²³ Angkairapan akon mamili,

kanlan lowa. Labay ko hēn mag-alih di ha luta, ta êmēn mapagkalamo kina hi Apo Jesu-Cristo, ta pêtêg hēn mangêd ya habayto. ²⁴ Noa, kailangan kon mabiyay pon, ta êmēn kataw mahawpan. ²⁵ Angkasiguradoan koy habayto, kabay muwang ko ya kumarang pon ya biyay ko haka a kataw pon lakwanan, ta êmēn kataw mahawpan ha pamihundo yo ha paniwala yo kan Apo Jesu-Cristo, ya main kahiglaan. ²⁶ Kabay ha pag-orong ko bahēn, ay lalo yon maipaglangka ya pakikimiha yo kan Apo Jesu-Cristo haka kangko.

²⁷ Ya maalagá, ay daygén yoy kangéran ya namwangan yo ha Mangêd ya Habi tungkol kan Apo Jesu-Cristo, ta mag-orong ako man kamoyu, o a ko maka-orong, ay mamwangan ko ya tungkol kamoyu, ya an-illagan yoy pakikimiha yo hēn milalamo hēn an-ipaglaban ya paniwala yo ha Mangêd ya Habi tungkol kan Apo Jesu-Cristo. ²⁸ Paan kaw malimo ha ampamairap kamoyu, ta no panay makhaw ya nakêm yo hēn umarap kanla, ay mamwangan lan taganá ya parusaan hila ni Apo Namalyari hēn ayn angga, haka hikaw ay iligtas na ²⁹ ta ya karapatan ya indin kamoyun ampaghuyo kan Apo Jesu-Cristo, ay alwan bêngat ha paniwala, noa, dapat nakal-an kaw etaman hēn magdanas hēn kairapan ha paghuyo yo kana. ³⁰ Haka hata kairapan ya andanasan yo amêhêن, ay nanad êt ha dinanas ko, haka hēn nanad ha angkabalit-an yoy andanasan ko êt amêhêن.

Ya pagpakaaypa haka panga-Diyos ni Panginoon Jesu-Cristo

¹ Patêl ko ha Panginoon, ya pakikimiha yo kan Apo Jesu-Cristo ay ampam-in hêkaw hên nakêm yo haka ya pamanlugud na ay ampamaalih hên yagah yo. Main kaw hên pamakilamo ha Espiritu ni Apo Namalyari. Main kaw etaman hên pamilulugud haka an-ingalwan yoy miha ta miha. ² Kabay pimimihaên yoy ihip haka nakêm yo. Haka lalo kaw hên milulugud, ta êmên mapahiglay nakêm kon pêtêg. ³ Paan kaw manyag hên hinoman gawan bat ha sarili yon kalabayan, o gawan kalangkaan yo. Noa, magpakaaypa kaw hên nakêm ha miha ta miha. Alwa yon ihipên ya mangêd kaw kanlan kaatag. ⁴ Alwan bêngat ha sarili yon ikakangêd ya ihipên yo, noa, dapat yon ihipên ya ikakangêd hên kaatag etaman. ⁵ Dapat magkamain kaw hên kaaypaan nakêm nanad kan Apo Jesu-Cristo, ⁶ ta agyan atsi kana ya panga-Diyos ni Apo Namalyari, ay a na in-imot ya panga-Diyos na. ⁷ Noa, nanad imbalag na pon ya habayto hên hiyay nag-in tawo, haka naghuyo hên êmên ipoh. Ha hêlêk lan tawo kana ay tawo yan bêngat. ⁸ Nagpakaaypa ya haka hinonol nay kalabayan ni Apo Namalyari hên pinaulayan na hilan namatsi kana hên impako la ya ha koros. ⁹ Gawan ha dinyag na, ay indin ni Apo Namalyari kana ya pinakamatag-ay ya tungkulon ya matag-ay pon ha hinon tungkulon, ¹⁰ ta êmên ya balang miha ya atsi ha luta, haka ha langit haka hilay naunay na ha mihay biyay, ay mipandokon magsimba kana. ¹¹ Habiên lan kaganawan, ya hi Apo Jesu-Cristo ay

Panginoon. Ha habi lan habayto, ay mapuri hi Apo Namalyari, ya Tatang tamo.

Hikaw ay nanad hawang ha yabi

¹² Anlugurêñ kon patêl ha Panginoon, hêñ atsi ko bahêñ kamoyu, ay panay yon dinyag ya in-aral ko kamoyu. Kabay amêhêñ, ta ayn aki bahêñ, ay dapat lalo yon daygêñ ya in-aral ko kamoyu gawan ha pamanggalang yo kan Apo Namalyari, haka gawan ha limo yo kana, ta êmêñ maboo ya kaligtasan yo. ¹³ Dapat yon daygêñ ya habayto, ta hi Apo Namalyari ay panay hêñ ampamaihip kamoyu hêñ manyag kalabayan na, haka andyanan na kaw hêñ galing ta êmêñ yo madyag ya habayto.

¹⁴ Ha hinon andaygêñ yo, ay paan kaw manitol haka paan kaw makihubak, ¹⁵ ta êmêñ hikaw ya maának ni Apo Namalyari ay mag-in ayn kap-intasan, línow, ya panay mangêd, atsi kaw man ha pibonakan lan tawo ya nangarawak ya mapanyag kasalanan. Kabay nanad kaw hêñ hêñag ya ampam-in hawang bayri ha luta, ¹⁶ ta an-ipamwang yo kanla ya habi ya ampangubatan hêñ biyay ya ayn angga, ta êmêñ lano ha allon pamag-orong ni Apo Jesu-Cristo, ay main akon kahiglaan hêñ maipagmahlay, ya a nahayang ya pamagpagal ko kamoyu.

¹⁷ Ya paniwala yo kan Apo Jesu-Cristo ay nanad átang kan Apo Namalyari. Mahigla ko, haka pahiglaêñ kataw, patsêñ la ko man ta ya daya ko ay nanad ha alak ya ibullog ha pamagsimba kan Apo Namalyari. ¹⁸ Dapat ikahigla yo etaman ya êmbayro ta makihigla kaw kangko.

Ya tungkol kan Timoteo haka Epafroditō

19 No kalabayan ni Panginoon Jesus, ay tampol ko dayin palakwēn hi Timoteo bahēn kamoyu, ta êmēn hiko man dayi, ay mapahigla, no mamwan-gan ko ya tungkol bahēn kamoyu ha pag-orong na di. **20** Ayn kaatag ya êmēn kana ya ampakimihan nakêm kangko hēn mabay hēn manawop kamoyu. **21** Hilay kaatag ay ampangihip bēngat hēn para ha sarili la. A la an-ihipēn ya para kan Panginoon Jesu-Cristo. **22** Noa, hi Timoteo ay muwang yo etaman ya kangēran ugali na. Muwang yo no ay-êmēn na kon hinawpan, ha pamipamwang ya Mangēd ya Habi tungkol kan Apo Jesu-Cristo. Ya panawop na ay nanad ha panawop hēn mihay anak ha toa na. **23** Kabay pamakamwang ko no hinoy malyari kangko bayri, gawan ha pamanatol hēn kaso ko, ay tampol ko yan maiutoh bahēn. **24** Haka sigurado ko, no kalabayan ni Panginoon, ay a mabuyot ay makalako ko bahēn etaman.

25 Naihipan ko ya kailangan kon paorongēn bahēn hi Epafroditō, ya patēl tamo ha Panginoon ya in-utoh yo, hēn manawop kangko ha balang kailangan ko. Hiyay kapareho kon ampaghuyo kan Apo Jesu-Cristo, haka nanad kapareho kon hundaloh ni Apo Jesu-Cristo. **26** Paorongēn ko ya bahēn ta angkalēngēw yay na kamoyu, haka gawan ampanyagah ya do ha balita ya nidaoh kamoyu, ya tungkol ha pamaghakit na. **27** Pêtēg bay mabyat ya hakit na, kabay namērad ya tanan natsi. Noa, iningalwan na ya ni Apo Namalyari, kabay namahig-pahig yay na. Alwan bat hi Epafroditō ya iningalwan ni Apo Namalyari,

noa, hiko etaman ya iningalwan na, ta no natsi ya dayi, ay napahanan ya kalungkutan ko. ²⁸ Kabay taganán labay kon makaorong ya bahén ta êmén kaw humigla ha mahélék yo yan oman haka mabaw-ahan ya yagah ko. ²⁹ Kabay tanggapén yo ya hén hadyay kahiglaan gawan ha pakikimiha yo kan Panginoon, haka galangén yo hilay ampanyag hén nanad ha dinyag na. ³⁰ Ta ha pamanyag na hén impadyag kana ni Apo Jesu-Cristo, ay namérad yan natsi. Intaya nay biyay na ta hiyay nag-in kahagili yo hén manawop kangko.

3

No ay-êmén mag-in mangéd ha hélék ni Apo Namalyari

¹ Patéл ko ha Panginoon, bayo ko anggaan ya hata hulat ko, ay mahabi ko pon kamoyu ya pakahigla kaw gawan ha pakikimiha yo ha Panginoon. A ko angkahawa hén omanén hén ihulat ya habaytsi kamoyu, ta ha ikakangéd yo ya hatsi.

² Kaillag kaw ha nangarawak ya tawo, ya am-pangitoro hén dapat patuli kitamo ta êmén kitamo mag-in mangéd ha hélék ni Apo Namalyari. ³ Pakaihipén yon mangéd, ya alwan hila, noa, hikitamo, ya nanad mantég hén tinuli, ta ansimbaén tamo ya gawan ha kapangyarihan hén Espiritu na. Ya pakikimiha naén kan Apo Jesu-Cristo ya an-ipaglambung naén, alwan ya ugali ya panluwal ya nanad ha pangatuli, ta êmén tamo mag-in mangéd ha hélék ni Apo Namalyari.

⁴ No labay ko, ay malyari kon paniwal-an haka ipaglambung ya ugali ya panluwal gawan hinonol

koy habayto hên igit pon ha hinoman. ⁵ Ha pamanhumonol ha Kautuhan ni apo Moises, hikoy tinuli ha panwalon allo ubat akon in-anak. Miha koy pêtêg ya Hebreo, ya Israelita. Hikoy mihay kaapo-apoan ni apo Benjamin. No tungkol ha Kautuhan etaman, ay hikoy nag-in mihay Pariseo ya pangkat naén hên Israelita ya pinakamahonol ha Kautuhan ni apo Moises. ⁶ Boon nakêm kon namairap kanlan ampaniwala kan Apo Jesu-Cristo, ta êndat kon habaytoy kalabayan ni Apo Namalyari. No tungkol ha pamanhumonol ha Kautuhan ni apo Moises, ay ayn maipintas kangko, ta naubuh kon hinonol ya habayto.

⁷ Noa, hên naniwala ko kan Apo Jesu-Cristo, ay intad kinan ayn pukat, ya êndat ko hên hato, ay mapakinabangnan ko. ⁸ Alwan bêngat ya mana kon dyag, noa, ya balang hino ay an-itad kinan ayn alagá ta pinahilyan kinan pinakamaalagá hên nakilala ko hi Apo Jesu-Cristo, ya Panginoon ko. Gawan ha paghuyo ko kana, ay intad kinan basura, ya ayn alagá, ya balang hino, ta êmén ako makapakilamo kana, ⁹ haka magkamain akon pakikimiha kana. Kabay an-itad na kon ayn kasalanan ni Apo Namalyari hên alwan gawan ha pamanhumonol ko ha Kautuhan, noa, gawan ha paniwala ko kan Apo Jesu-Cristo. ¹⁰ Ayn akon kaatag ya labay no alwan makilala ko hi Apo Jesu-Cristo hên mangêd, ta êmén ko matanam ha biyay ko ya kapangyarihan na ha pangabiyay nan oman. Labay ko êt ya hiko ay mag-in êmén kana ha nadanasan nay kairapan, haka pamanhumonol angga ha kamatsan. ¹¹ Angkasigurado ko ya matsu ko man ay biyayêna ko hên oman ha langit.

Iubuh tamoy biyay tamo angga ha kowên kitamina ni Apo Namalyari

¹² A ko mahabi ya nadyag kinay habayto ngan. A ko êt mahabi ya ganap kina, ya ayn pamagkulang kan Apo Namalyari. Noa, ihundo ko pon ya panyag hêñ kalabayan na, ta hi Apo Jesu-Cristo ya ampanalan kangko. ¹³ Patêl ko ha Panginoon, muwang ko ya alwa pon boo ya kamwangan ko tungkol kana, noa, a kinan an-ihipêñ ya nagdann, ta an-iubuh ko tanay biyay ko ha an-arapêñ ko. ¹⁴ Nanad ha mihambutan hêñ nakihali-tagtagan, diritso kon puwayuêñ ya nanad digalo, ya biyay ya ayn angga, ya idin ni Apo Namalyari kangko gawan ha pakikimiha ko kan Apo Jesu-Cristo. ¹⁵ Hikitamo ya nakataniêñ ya nakêm ha paniwala ay dapat êm  n bayro ya an-ihipêñ tamo dayi. Noa, no main kamoyu ya main kaatag ya kaihipan, ay hi Apo Namalyari ya mamipamwang kamoyu no hinoy usto. ¹⁶   mbayro man, ay kailangan tamon honol  n ya namwangan tamina.

¹⁷ Patêl ko ha Panginoon, magmimiha kaw nak  m ha pamanoto yo kangko, haka kanlan ampanoto ha nag-in biyay na  n. ¹⁸ Panay kon anhabi  n kamoyu, haka am  h  n oman  n kon habi  n h  n main lamoy tangih, ya mal-at êt ya kapatsi ni Apo Jesu-Cristo, ta ha pamimiyay la, ay andayg  n lan ayn alag   ya pangamatsi na ha koros. ¹⁹ Impiyerno ya pilakwan la, ta ya kalabayan lawini la ya andayg  n lan diyos. Haka anipaglambung lay dapat lan ikar  ng-  y, haka anihipêñ lan b  ngat ya tungkol ha biyay la bayri ha luta. ²⁰ Noa, kantamo, ay langit ya mant  g ta-

mon logal, ya ubatan ni Panginoon Jesu-Cristo, ya māmiligtas, ya an-êngganan tamo. ²¹ Hiya ya mangili hēn lawini tamon panluta hēn bayoy lawini, hēn nanad lawini na, ya panlangit. Daygēn nay habayto ha kapangyarihan na, ya ampamahuko hēn balang hino kana.

4

Ya aral ni apostol Pablo ya tungkol ha pamikakasundo haka kapatékbékan

¹ Patēl ko ha Panginoon, pakataniêhēn yoy pakikimiha yo kan Panginoon. Anlugurēn kataw haka angkalêngêw ako kamoyu. Hikaw ya taganán ampamahigla kangko. Andayêwēn kataw ha arapan lan kaatag. ² Hikaw, Euodia haka Sintique, ampakihabi ko kamoyu, ya mikahundo kaw na dayi ya lowa, hēn êmēn mipatēl ha Panginoon. ³ Ampakihabi ko êt kamo, ya mapaypaniwal-an kon kalamo, ya hawpan mo hilay hata loway babayi. Habain hilay lowa ay nakahawop kangko ha pamipamwang hēn Mangēd ya Habi, kalamo ni Clemente haka ya kaatag ya kapareho kon māmipamwang. Ya langan la ay inhulat ni Apo Namalyari ha libro na ya panlēkan langan lan andyanan nan biyay ya ayn angga, hēn kalamo na ha langit.

⁴ Dapat panay kaw maghigla gawan ha pakikim-
ha yo kan Panginoon. An-omanêñ kon habiêñ ya
dapat maghigla kaw.

⁵ Dapat magmaaypa kaw hēn nakêm, ta marani
yana ya pamanlumatêng nan Panginoon. ⁶ Alwa
yon papotogêñ ya nakêm yo ha hinon malyari.

Noa, ihalangin haka ipakikwa yo hēn main pahalamat, ya kaganawan kailangan yo kan Apo Namalyari. ⁷ No daygēn yoy habayto, ay dyanan na kaw hēn kapatékbēkan nakēm, ya a makwan maihip, haka habaytoy mag-in nanad bantay ya ampamantay hēn nakēm yo gawan ha pakikimiha yo kan Apo Jesu-Cristo.

⁸ Amêhēn, ya tawlin aral ko kamoyun patêl, ay êmēn di: dapat panay yon ihipêñ ya mangangêd, haka ya hêpat hēn dayêwêñ: ya kaganawan kaptêgan, ya marangal, ya ayn kapintasan, ya malinis, ya makapalugud, haka ya makapadayêw. ⁹ No ihundo yoy panyag yon namwangan yo kangko, haka ya in-aral ko kamoyu, ha pamaghabi ko, haka ha dyag ko, ay panay na kaw lamoan ni Apo Namalyari, ya ampam-in kapatékbêkan kantamo.

Ya pahalamat ni apostol Pablo ha impagtan lay hawop kana

¹⁰ Ha pakikimiha ko kan Panginoon, ay anikahigla kon taganá, ya ha pamakalabah hēn nabuyot ya panaon, ay naipahlêk yoy pamanlugud yo kangkon oman. Muwang kon taganá ya a yo ko anliwaan, haka babayo yon naarap hēn ipagtan ya hawop yo kangko. ¹¹ Angkahabi koy habayto hēn alwan ha ampanikapan kataw hēn hawop yo, ta mahiglay nay kaihipan ko, hinoman ya angkaranasan ko. ¹² Naranasan kinay kairapan, haka nadanasan ko etaman ya kasaganaan. Ha hinon arapêñ ko, ay nipasnaw ya ihip ko, angkabhoy ako man, o matsi kon lonoh, kasaganaan man, o kairapan. ¹³ Maubuh kon madyag ya

habayto, ta andyanan na ko ni Apo Jesu-Cristo hên kataniêhan nakêm.

¹⁴ Embayro man, ay mangêd ya dinyag yo hên hinawpan yo ko. ¹⁵ Muwang yo etaman hên taga-Filipos, ya patêl ha Panginoon ya angkapi-tsitsipon, ya hikaw bêngat ya nanaglap kangko hên inumalih ako bahêh ha Macedonia, hên habayton una kon namitoro hên Mangêd ya Habi tungkol kan Apo Jesu-Cristo. ¹⁶ Haka hên atsi ko man bayro ha balayan Tesalonica, ay alwan bat minghan kaw namagtan hên kailangan ko. ¹⁷ Alwan ha ampanapolan kataw ha an-idin yo kangko, noa, ya labay ko ay mapahanan ya itumbah ni Apo Namalyari kamoyu. ¹⁸ Amêhêh, ta naubuh kinan natanggap ya impagtan yo kan Epaafroditô ay ampipasnaw kina. Kaalimbawaan hên impagtan yo ay nabango ya paraêp ya tinanggap ni Apo Namalyari haka nakapahigla kana. ¹⁹ Gawan ha pakikimiha yo kan Apo Jesu-Cristo, ay hi Apo Namalyari, ya main pibandian ya a maubuh, ay mam-i kamoyu hên kaganawan kailangan yo. Hiya ya ansimbaêh ko. ²⁰ Puriêh tamo ya, ya Tatang tamo hên ayn angga. Amen.

Tawlin pangumusta

²¹ Idaoh yoy hata pangumusta naêh ha balang pinili ni Apo Namalyari ya main pakikimiha kan Apo Jesu-Cristo. Hilay patêl tamo ay kalamo ko hên ampipangumusta kamoyu bahêh. ²² Anipadaoh ya pangumusta kamoyu, hên hilay pinili ni Apo Namalyari hên mag-in kana, ya atsi bayri, lalon-laloy na hilay ampag-obra bayri ha balin ampamaala ha Gobyernon Roma.

23 Panay dayin atsi kamoyu ya ingalo ni Panginoon Jesu-Cristo.

**Ya habi ni apo namalyari: Bayon tsipan - Ayta
Mag-antsi
New Testament in Ayta, Mag-antsi**

copyright © 2006 Wycliffe Bible Translators, Inc.

Language: Mag-antsi Ayta (Ayta, Mag-antsi)

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789718260654

The New Testament

in Ayta, Mag-antsi

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 11 Nov 2022 from source files
dated 29 Jan 2022

d2289d90-e8af-5f04-a1e1-312fd0921aff